




Comhdháil
Náisiúnta
na Gaeilge

BUNREACT NA COMHDHÁLA

Comhdháil Náisiúnta na Gaeilge



I. TEIDEAL

COMHDHÁIL NÁISIÚNTA NA GAEILGE

II. AIDHM AGUS FEIDHM

Is é an príomhchuspóir atá ag an gComdháil:

Bá agus tacaíocht don Ghaeilge mar bheotheanga agus cumas inti a neartú agus a bhuanú, le go mbeidh sí á húsáid go saoráideach agus go forleathan i ngach gné de shaol mhuintir na hÉireann.

Is é feidhm don Chomdháil na heagraíochtaí Gaeilge agus cairde eile na teanga a thabhairt le chéile ar mhaithe leis an gcuspóir náisiúnta an Ghaeilge a athbheochan.

Comhlíonfar an fheidhm sin trí:

- (a) Obair na n-eagraíochtaí Gaeilge, an earnáil dheonach, a chomhdhlúthú d'fhonn comhpháirtíocht thorthúil a chinntiú trí chumarsáid a chothú agus aontú ar phríomhspriocanna oibre na Comhdhála
- (b) bearta a dhéanamh a bheadh thar chumas na n-eagraíochtaí Gaeilge agus a rachadh chun leas na teanga
- (c) tacú le heagraíochtaí eile ar mhaithe leis an Ghaeilge
- (d) comhoibriú a chothú idir chairde uile na Gaeilge, agus
- (e) labhairt le haontacht ar cheisteanna a mbeadh tábhacht ar leith iontu do ghluaiseacht na Gaeilge

III. STRUCHTÚR

Cuirfear na feidhmeanna sin i gcrích trí:

- * cruinnithe rialta de chomhaltaí na Comhdhála.
- * painéil ullmhaithe polasaí ionadaíoch ar réimsí ar shaineolaithe nó ar spriocphobail ar leith
- * Mór-theacht le chéile nuair is cuí

IV. COMHDHÉANAMH

- (1) (a) Is iad a bheidh ina mbaill den Chomhdháil ná na heagraíochtaí Gaeilge a bheidh comhphárteach inti de thuras na huaire. Beidh ionadaí amháin ag gach ceann de na heagraíochtaí atá luaite i Sceideal A den Bhunreacht seo, mar chomhaltaí ar an gComhdháil.

(b) Féadfar cead freastal ar chruinniú/chruinnithe na Comhdhála a thairiscint d'ionadaí amháin a ainmneoidh gach painéal ar leith.

(2) (a) Ainmneoidh na heagraíochtaí comhpháirteacha a n-ionadaithe féin i scríbhinn mar chomhaltaí den Chomhdháil gach bliain de réir gnáis a bheidh leagtha síos i Rialacha Imeachta. Ceannairí na n-eagraíochtaí a ainmneofar mar ghnáth-nós. Ainmneoidh na heagraíochtaí chomhpháirteacha a n-ionadaithe tánaisteacha chun feidhmiú ar bhonn eisceachtúil thar a gceann de réir gnáis a bheidh leagtha síos i Rialacha Imeachta.

(b) Is comhalta é/í an tUachtarán.

(3) Féadfar ionadaíocht ar an gComhdháil a thabhairt d'aon eagraíocht bhreise a bhfuil seirbhís táirgiúil á thabhairt aige don Ghaeilge má bhíonn dhá thrian ar a laghad de na comhaltaí atá i láthair ina fhábhar sin. Ní mór fógra dhá mhí a thabhairt do chomhaltaí na Comhdhála sara gcuirfear os comhair cruinnithe é de réir gnáis atá leagtha síos sna Rialacha Imeachta, chomh maith le rialacha a bhaineann le freastal agus le cinnteacht leanúnachais. Ainneoin a bhfuil ráite ag mír 4(d) sna Rialacha Imeachta ní bheidh aon éifeacht aige i gcás stádas aon cheann de bhalleagraíochtaí na Comhdhála mar a bhí cláraithe 28 Samhain 1997

(4) Leagfar gnás síos maidir le ceapadh agus scor painéal i Rialacha Imeachta.

(5) Féadfar ionadaíocht ar an gComhdháil a bhaint d'eagraíocht ar bhonn na gcúiseanna atá leagtha síos sna Rialacha Imeachta má bhíonn dhá thrian de na comhaltaí atá i láthair ina fhábhar sin. Ní mór fógra dhá mhí a thabhairt d'eagraíocht go bhfuil rún á mholadh go mbainfí ionadaíocht de. Leagfar an nós imeachta síos sna Rialacha Imeachta.

V. RIAR

(1) Ceapfaidh an Chomhdháil Uachtarán; Féadfar comhalta den Chomhdháil a cheapadh ach tromlach na gcomhaltaí i láthair a bheith ina fhábhar agus féadfar duine nach comhalta a cheapadh ach dhá thrian ar a laghad de na comhaltaí atá i láthair a bheith ina fhábhar.

Tréimhse oifige trí bliana a bheidh ag an Uachtarán ach caithfear rún foirmeálta athnuachana a rith sa dara agus sa tríú bliain de réir na Rialacha Imeachta. Ní féidir níos mó ná dhá thréimse as a chéile a bheith ag aon Uachtarán.

Más comhalta den Chomhdháil a cheaptar mar Uachtarán tá cead ag eagraíocht an chomhalta sin ionadaí eile a ainmniú chun feidhmiú ar an gComhdháil thar ceann na heagraíochta.

Leagfar síos i Rialacha Imeachta rialacha faoi ainmniúchán agus toghchán Uachtaráin.

- (2) Ceapfaidh an Chomhdháil painéil ionadaíoch ar réimsí ar shaineolas, nó ar spriocphobail ar leith.

I leith pé painéil a ceaptar, leagfar síos i Rialacha Imeachta na Comhdhála rialacha maidir le ceapadh, ballraíocht agus breathnadóirí, cathaoirleacht, téarmaí tagartha, tuairisciú agus gaol oibre leis an bhfeidhmeannas.

- (3) Tiocfaidh an Chomhdháil le chéile uair sa ráithe ar a laghad.

- (4) Féadfaidh an Chomhdháil coistí a cheapadh ó am go ham chun gnó sonraithe a dhéanamh.

I leith pé coistí a ceaptar, leagfar síos i Rialacha Imeachta na Comhdhála rialacha maidir le ceapadh, ballraíocht agus breathnadóirí, cathaoirleacht, téarmaí tagartha, tuairisciú agus gaol oibre leis an bhfeidhmeannas.

- (5) **Vótáil**
a) **Rún**

Éireoidh le rún ach tromlach na gcomhaltaí a chaitheann vótaí a bheith ina fhabhar, ach amháin sna cásanna a luaitear sa Bhunreacht seo, nó má shocraítear a mhalairt sna Rialacha Imeachta. Beidh gnáth-vóta agus vóta réitithe ag an Uachtarán.

b) Toghchán

Éireoidh le duine i dtoghchán ach tromlach na vótaí a chaitear a bheith faighte ag an duine sin, ach amháin sna cásanna a luaitear sa Bhunreacht seo, nó má shocraítear a mhalairt i Rialacha Imeachta. Beidh gnáth-vóta ag an Uachtarán.

c) Cead Vótála

Beidh vóta ag ionadaí an Chomhalta sa chás nach féidir leis an gComhalta a bheith i láthair don vótáil.

- (6) **Córam**

I gcás gur gá dhá thrían de na comhaltaí atá i láthair a bheith i bhfabhar rúin, ní mór leath de na comhaltaí a bheith i láthair le haghaidh chóraithe. I gcásanna eile glacfar le trían de na comhaltaí mar chóram, toghchán na hUachtaránachta san áireamh.

- (7) **Rialacha Imeachta**
Féadfaidh an Chomhdháil rialacha imeachta nach sáraíonn an Bunreacht seo a leagan síos.

VI. LEASÚ

Féadfar an Bunreacht seo a leasú uair sa bhliain, ag an gcéad chruinniú eile tar éis toghadh an Uachtaráin, ach dhá thrian ar a laghad de na comhaltaí a bhíonn i láthair a bheith i bhfabhar an leasaithe agus an leasú a bheith curtha i scríbhinn chuig gach comhalta dhá mhí ar a laghad roimh an chruinniú sin.

V11 FÓGRA SCOIR

Ar iarratas i scríbhinn ó leath na mballeagraíochtaí, d'fhéadfaí Comhdháil Náisiúnta na Gaeilge a scor mar eagraíocht ag cruinniú urghnách a ghlaofaí chuige sin, ach dhá thrian ar a laghad de na comhaltaí a bhíonn i láthair a bheith i bhfabhar scoir agus an fógra scoir a bheith curtha i scríbhinn chuig gach comhalta dhá mhí ar a laghad roimh an chruinniú sin.

Glacadh leis na leasuithe seo ag cruinniú na Comhdhála Dé Céadaoin 15 Márta 2006

Aguisín 1

An Chomhdháil

An Chomhdháil	=	Na Balleagraíochtaí
Comhalta	=	Ionadaí na balleagraíochta
Ionadaí tánaisteach	=	Ionadaí thar ceann an Chomhalta, ainmnithe ag an mballeagraíocht chun freastal ar chruinnithe na Comhdhála. Ní comhalta é/í